

Konfirmant 2026

Informasjon om konfirmanttida i Sund sokn





Foto: Yngvild Sørheim /
Øygarden fellesråd

Velkommen som konfirmant!

Det er så spanande at du vil bruke dette året på å vere konfirmant!

Du skal få vere med på mykje ulikt gjennom året, og få bli betre kjend med både Gud og deg sjølv (og kanskje få deg nokre nye vener?)

Overskrifta for konfirmantåret er "Loved".

Vi trur at Gud skapte deg og elsker deg akkurat slik du er. Vi trur at Jesus elsker deg så høgt at han døydde for deg. Vi trur at Gud skapar tru og kjærleik i oss, som vi får dele med andre.

Utfordringa til deg dette året er:
Kva skal dette bety for livet ditt?

Tilrettelegging av konfirmantåret

Vi legg til rette for at alle som ønskjer det skal kunne vere konfirmant.

Det kan vere mange ulike grunnar til at det er vanskeleg å vere med i det ordinære opplegget. Om det gjeld kritisk eller kronisk sjukdom, sosiale vanskar, psykiske utfordringar, utviklingshemming eller fysisk funksjonsnedsetting vil vi alltid prøve å finne ei løysing på konfirmantåret ut frå dine forutsetningar.

Ulik tilrettelegging kan vere: mindre grupper, 1-til-1-undervisning, tilrettelegging av materiell eller rom, eigen konfirmasjonsgudsteneste.

Ta kontakt med Beate Sørhus (bs845@kyrkja.no) så vil vi saman finne ei god løysing.

Til deg som ikkje er døypt

Til våren (februar/mars) blir det ei dåpsgudsteneste for ungdom som vil bli døypt før konfirmasjonen.

Før dåpsgudstenesta blir det eit lite dåpskurs, der du skal få lære meir om kva dåp er, og kva det betyr å bli døypt.

Velkommen til dåp!



Konfirmantsamlingar

Å vere konfirmant er å bli betre kjend med den kristne trua og di eiga tru.

På konfirmantsamlingane i kyrkja skal du få lære, erfare og oppleve kva den kristne trua handlar om. Du skal få undre deg over det som er for stort til å forstå, du kan lure på og spørje om alt mellom himmel og jord, og saman skal vi lære om kva som er kjernen i trua vår.

Gjennom bibel, leik, bønn, undervisning, refleksjon, samtale og oppgåver skal du få smake på kristen tru og tradisjon.

Vi skal samlast i kyrkja ein tysdag i månaden, rett etter skuletid. (kl. 12.40-15.00) Vi har lagt opp samlingane slik at det går an å ta skulebuss frå skulen til kyrkja.

Sidan undervisninga er rett etter skuletid, startar vi samlinga med eit måltid mat. Semesterplanen for di gruppe kjem i august



Aktivitetsgrupper

Alle konfirmantane er med i ei aktivitetsgruppe. I desse gruppene får du vere ein del av fellesskapet i kyrkja. Det er mange ulike aktivitetar å velje mellom, og dei varierer i både innhald og tid.

Du vil få meir info om aktivitetsgruppene på konfirmantoppstart 4. september.

Konfirmantaksjon

På konfirmantleiren i januar vil førebu konfirmantaksjonen. På konfirmantaksjonen har vi fokus på misjonsprosjekt til kyrkja, og konfirmantane er med på å samle inn pengar til dette.

Gudstenester

Som konfirmant vil du bli godt kjent med gudstenesta i kyrkja di. Før konfirmasjonen skal alle konfirmentar gå på minst åtte gudstenester i kyrkja.

Kvar gong du er på gudsteneste får du eit ark i døra. På dette arket får du skrive ned litt av dei tankane og dei inntrykka du får i kyrkja. Det er desse arka du brukar for å registrere at du har vore på gudsteneste.

Dei aller fleste søndagar er det gudsteneste i kyrkja di kl. 11, men nokre gonger er det gudsteneste på kveldstid i staden for. Hugs derfor å sjekke nettsida til kyrkja før du setter på vekkerklokka til søndagen!



Presentasjonsgudsteneste

I september blir det presentasjonsgudstenester for alle konfirmantane.

På presentasjonsgudstenestene blir namna på konfirmantane lest opp, og alle får utdelt ein bibel, som vi skal bruke gjennom året.

- Kausland kyrkje: Søndag 7. september kl. 11.00.
- Sund kyrkje: Søndag 14. september kl. 11.00.

Konfirmantane møter i utgangspunktet i den kyrkja dei skal ha konfirmasjon, men gi beskjed dersom du treng å bytte dag.

Presentasjonsgudstenesta er for heile familien, både foreldre, søsken, besteforeldre og fadrar er inviterte.

Foto: Den norske kyrkja /
Simen Prestaaen



Konfirmasjonsgudsteneste

I mai blir det flotte og høgtidelege konfirmasjonsgudstenester i kyrkjene våre. Med kvit kappe på skal du få komme fram til alteret i kyrkja. Her vil vi be for deg, og be Gud velsigne framtida di.

Konfirmasjonsdagen er ei flott avslutning på konfirmantåret, og vi håpar at du allereie nå har begynt å glede deg til alle som vil feire deg på denne dagen.



Konfirmantleir på Fjell-ly

Helga 23.-25. januar blir det konfirmantleir for alle Sundkonfirmantane på Fjell-ly leirstad på Møvik.

Program

Du kan sjå frem til ein leir med aktivitetar, friluftsliv, bibelsamling, undervisning, leirkveld, mat, rangling, leikar og kjekke folk. Det blir både gøy og seriøst, og alt som ein leir skal by på!

Vi håpar at du gler deg – det gjer vi leiarar – og vi skal gjere alt vi kan for at dette skal bli bra leir!

Tilrettelegging

Vi ønskjer at alle konfirmatane skal kunne bli med på leir.

Dersom det er noko som gjer det vanskeleg for din konfirmant å delta, ønskjer vi kontakt med deg. Då kan vi saman finne den beste løysinga for din konfirmant.

Ikkje ver redd for å ta kontakt. Dess meir vi veit, dess betre kan vi gjere leiren for din konfirmant. Ta kontakt med Beate Sørhus (bs845@kyrkja.no).

Til foreldre og føresette

Informasjon

Gjennom konfirmantåret er det e-post som er hovudkanalen for info, men nokre ting blir òg sendt ut i posten. Hugs å gi beskjed dersom du skulle flytte eller endre e-postadresse, slik at du er sikra at informasjonen kjem fram.

Du vil alltid finne informasjon om konfirmantåret på nettsida vår kyrkja.no/sund/konfirmant. Dersom det er noko du lurar på, eller info du ikkje har fått, ta kontakt med Beate Sørhus (bs845@kyrkja.no).

Foreldresamlingar

Det blir tre foreldresamlingar i løpet av konfirmantåret:

- Konfirmantoppstart, 4. september. Samling for konfirmantane og foreldre/føresette.
- Foreldresamling i forkant av konfirmantleir og konfirmantaksjon..
- Foreldresamling på øvinga, ei veke før konfirmasjonen. Her blir det info om konfirmasjonsdagen og utdeling av kappar til konfirmantane.



Foto: Helene Slinning/
Den norske kyrkja



Konfirmantleir og konfirmantaksjon

I januar og februar blir det konfirmantleir og konfirmantaksjon. Her treng vi hjelp frå dykk foreldre, både som nattvakt på leiren og til praktiske oppgåver på konfirmantaksjonen.

Gudstenester

I løpet av året skal alle konfirmantane gå på åtte gudstenester. Vi vil spesielt invitereb og oppfordre deg som er forelder/ føresett til å gå saman med konfirmanten din på gudstenestene.

Gudstenesta er ein flott mulighet til å gjere noko saman, på tvers av generasjonane.

Økonomi

Konfirmantåret har ein eigenandel på 700,- Dette dekker utgifter til mat og materiell på samlingane. Ein del betalte dette ved påmelding. Alle andre vil få tilsendt ein e-post med lenke til betaling.

Konfirmantleiren kostar 1300,- Betalinga for denne vil skje i januar.

Økonomi skal ikkje vere ei hindring for deltaking. Dersom du har vanskar med å betale, ta kontakt med Beate Sørhus (bs845@kyrkja.no), så finn vi ei god løysing.



DEN NORSKE KYRKJA
Sund sokn